



Per Rosing-Petersen
Inatsisartuni ilaasortaq

**Atuisartoqarnermut Unammilleqatigiinnermullu Aqutsisoqarfimmut tunngatillugu
§ 37-mi apeqqut nr. 045-miittunut akissutit**

26. februar 2015
Sagsnr. 2015-110498
Dok. Nr. 1874136

Inatsisartut suleriaasianni § 37, imm. 1 naapertorlugu Atuisartoqarnermut Unammilleqatigiinnermullu Aqutsisoqarfimmut tunngatillugu Naalakkersuisunut apeqquteqarsimavutit. Apeqqutit suliassaqaqarfigisanni akineqartussanngorlugit innersuutigineqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

1. Atuisartoqarnermut Unammilleqatigiinnermullu Aqutsisoqarfik matunikuua immaqaluunniit isertortumik ingerlava?

Akissut:

Inuussutissarsiornermut, Suliffeqarnermut Niuernernullu Naalakkersuisoqarfiup ataaniittoq Atuisartoqarnermut Unammilleqatigiinnermullu Aqutsisoqarfik matoqqanngilaq. Soorunami Aqutsisoqarfiup ingerlanera isertuussaangilaq.

Aqutsisoqarfiup suliassani aalajangiussanilu pillugit ilisimatitsisarpoq, ilaatigut nittartakkakkut ugguuna: www.aua.gl. Nittartagaq aamma Aqutsisoqarfiup suliassaqaqarfiisa iluini innuttaasut, suliffeqarfiit atuisartullu taakku pisinnaatitaaffiinik pisussaaffiinillu ilitsersuinermit atorneqartarpoq. Tamatuma saniatigut Aqutsisoqarfik atuisoqarnermi inatsisitigut ajornartorsiutit pillugit atuisartunik aamma suliffeqarfinnik facebook aqqutigalugu attaveqartarpoq, ugguuna: [facebook.com/atuisoq](https://www.facebook.com/atuisoq).

2. Suli ingerlappat taava kikkut illersugaralugit ingerlava? Pisiniarfiit imaluunniit atuisartut?

Akissut:

Atuisartoqarnermut Unammilleqatigiinnermullu Aqutsisoqarfiup suliassaa tassaavoq niuerfiusunut ingerlalluartunut, atuisartut suliffiillu akornanni ismalluutunik sunniuteqarluartumik atugaqarlunilu pitsaasumik sunniivigeqatigiinnermut ilisarnaateqartuusumut sulissutiginninnissaq.

Atuisartoqarnermut tunngasuni atuisartunut siunnersuisooqatigiinnut, niuernermit nittarsaassisarnermut, nalunaaqutsersuisarnermut, akinut atuisunullu maalaaruteqartarfittut ataatsimiititaliamut tunngasut Inatsisartut inatsisaat Aqutsisoqarfiup eqquutsinneqarnissaat isumagai, Atuisartut Pisisartullu Maalaarutaannik Aalajangiisartunut allattoqarfiulluni. Aammattaaq www.atuisoq.gl-imut, tassaasumut tamanut ammasumik atuisartunut ilisimatitsissutitut isertarfik Aqutsisoqarfiup akisussaaffigaa.

Aqutsisoqarfik unammilleqatigiinnermut tunngatillugu suliffeqarfinnik annernik kattunniartunik akuersisartuuvoq, Aqutsisoqarfiup Unammilleqatigiinnermut

inatsimmik unioqqutitsisut misissuivigalugillu iliuuseqarfigisarpai, unammilleqatigiinnermilu maleruagassat pillugit suliffeqarfinnik pisortaqaqfinnillu ilitsersuisarluni.

Atuisartoqarnermut Unammilleqatigiinnermullu Aqutsisoqarfik Ineqarneq pillugu Maalaaruteqartarfimmut, Isumaginninnermi Naammagittaalliuteqartarfimmut, Atuisartut Pisisartullu Maalaarutaannik Aalajangiisartunut, Unammilleqatigiinnermi Aalajangiisartunut kiisalu Avatangiisit Pinngortitallu Illersorneqarnissaat pillugu Maalaaruteqartarfittut Ataatsimiititalianut allatseqarfiuvoq

Nalunaarasuartaateqarnermi Aqutsisoqarfik Radionillu Nakkutilliivik Aqutsisoqarfimmi inissisimapput.

2014-imi Aqutsisoqarfiup ataani nalunaarsukkatut suliassat isumagiavai:

Ineqarneq pillugu maalaarutit	38
Atuisartunit maalaarutit	11
Atuisartoqarfimmi ilitsersuinerit	394
Unammilleqatigiinnermi suliat	31
Avatangiisit illersornerinik suliaqarfimmi maalaarutit	7
Pinngortitamut tunngatillugu maalaarutit	0
Isumaginninnermi maalaarutit	365
Nalunaarasuartaateqarnermi maalaarutit (atuisoq)	5

3. Kikkut aningaasalersorpaat? Suullu ingerlaneranut tunngaviuppat?

Akissut:

Atuisartoqarnermut Unammilleqatigiinnermullu Aqutsisoqarfimmik aningaasaliineq ukiumoortumik aningaasanut inatsisinit tunngaveqarpoq. Aqutsisoqarfik ilaatigut akileraarutitigut, ilaatigullu atuisutigut aningaasalersugaavoq. Aningaasaqarnermi konto pingaarneq nr. 62.30.01 innersuutigineqarpoq.

Aqutsioqarfik Unammilleqatigiinneq pillugu Inatsisartut inatsisaat nr. 1, 15. maj 2014-imeersoq (unammilleqatigiinnermut inatsit) tunngavigalugu 1. juni 2014-imi pilersinneqarpoq. Suliassanik isumaginniffik siusinnerusukkut Siunnersuisoqatigiinnut Aalajangiisartunullu Aqutsisoqarfimmit isumagineqarpoq.

Inussiarnersumik inuulluaqqusillunga


Vittus Qujaukitsoq